

12 июля 2018 гóда.  
Святых слáвных и всехвальных первоверховных  
апóстолов Петра и Пáвла.

**ТРЕТИЙ ЧАС:**

**Иерей:** **Благословен Бог наш всегда, ныне и присно, и во веки веков.**

**Чтец:** **Аминь. Слава Тебе, Боже наш, слава Тебе.**

**Царю Небесный, Утешителю, Душе истины, Иже везде сый и вся исполняй, Сокровище благих и жизни Подателю, прииди и вселися ны, и очисти ны от всякия скверны, и спаси, Блаже, души наша.**

**Трисвятое. Пресвятая Троице... Отче наш...**

**Иерей:** **Яко Твое есть Царство и сила и слава Отца и Сына и Святаго Духа, ныне и присно и во веки веков.**

**Чтец:** **Аминь. Господи, помилуй. (12 раз)**

**Чтец:** **Приидите, поклонимся Цареву нашему Богу.**

**Приидите, поклонимся и припадём Христу, Цареву нашему Богу.**

**Приидите, поклонимся и припадём Самому Христу, Цареву и Богу нашему.**

**ПСАЛОМ 16:**

**Услыши, Господи, правду мою, вонми молению моему, внуши молитву мою не во устных льстивых. От лица Твоего судьба моя изыдет, очи мои да видита правоты. Искусил еси сердце мое, посетил еси ношью, искусил мя еси, и не обретесе во мне неправда. Яко да не возглаголют уста моя дел человеческих, за словеса устен Твоих аз сохраних пути жестоки. Соверши стопы моя во стезях Твоих, да не подвижутся стопы моя. Аз возвах, яко услышал мя еси, Боже, приклони ухо Твое мне и услыши глаголы моя. Удиви милости Твоя, спасаая уповающыя на Тя от противящихся деснице Твоей. Сохрани мя, Господи, яко зеницу ока, в крове крилу Твоею покрыеши мя. От лица нечестивых острастших мя, врази мои душу мою одержаша. Тук свой затвориша, уста их глаголаша гордыню. Изгонящие мя ныне обыдоша мя, очи свои возложиша уклонити на землю. Объяша мя яко лев готов на лов и яко скимен обитаяй в тайных. Воскресни, Господи, предвари я и загни им, избави душу мою от нечестиваго, оружие Твое от враг руки Твоея. Господи, от малых от земли, раздели я в животе их, и сокровенных Твоих исполнися чрево их, насытятся сынов, и оставиша останки младенцем своим. Аз же правдою явлюся лицу Твоему, насыщуся, внегда явити ми ся славе Твоей.**

**ПСАЛОМ 24:**

**К Тебе, Господи, воздвигох душу мою, Боже мой, на Тя уповах, да не постыжуся во век, ниже да посмеют ми ся врази мои, ибо вси терпящии Тя не постыдятся. Да постыдятся беззаконнующии вотще. Пути Твоя, Господи, скажи ми, и стезям Твоим научи мя. Настави мя на истину Твою, и научи мя, яко Ты еси Бог Спас мой, и Тебе терпех весь день. Помяни щедроты Твоя, Господи, и милости Твоя, яко от века суть. Грех юности моея, и неведения моего не помяни, по милости Твоей помяни мя Ты, ради благости Твоея, Господи. Благ и прав Господь, сего ради законоположит согрешающим на пути. Наставит краткия на суд, научит краткия путем Своим. Все пути Господни милость и истина, взыскающим завета Его, и свидения Его. Ради имени Твоего, Господи, и очисти грех мой, мног бо есть. Кто есть человек бояйся Господа? Законоположит ему на пути, егже изволи. Душа его во благих**

водворітся, и сѣмя егѡ наслѣдит зѣмлю. Держава Господь боѣщихся Егѡ, и завет Егѡ явит им. Очи мой вѣну ко Господу, яко Той исторгнет от сѣти нѡзе мой. Призри на мя и помѣлуй мя, яко единорѡд и нищ есмь аз. Скорби сѣрдца моего умножишася, от нужд моих изведи мя. Видь смиреніе мое, и труд мой, и остави вся грехи моя. Видь враги моя, яко умножишася, и ненавидѣнием неправедным возненавидѣша мя. Сохрани дѹшу мою, и избави мя, да не постыжѹся, яко уповах на Тя. Незлобиви и правии прилеплюхся мне, яко потерпѣх Тя, Господи. Избави, Бѡже, Израїля от всех скорбей егѡ.

### **Псалѡм 50:**

Помѣлуй мя, Бѡже, по велицей мѣлости Твоей, и по множеству щедрѡт Твоих очисти беззакѡніе мое. Наипаче омѣй мя от беззакѡнія моего, и от греха моего очисти мя; яко беззакѡніе мое аз знаю, и грех мой предо мною есть вѣну. Тебѣ Единому согрѣших и лукавое пред Тобѡю сотворих, яко да оправдишися во словесех Твоих, и побѣдиши внегда судити Ти. Се бо, в беззакѡнних зачат есмь, и во гресех роди мя мати моя. Се бо, истину возлюбил еси; безвѣстная и тайная премѹдрости Твоея явил ми еси. Окропиши мя иссопом, и очѣшуся; омѣеши мя, и паче снѣга убелюся. Слѹху моему даси радость и веселіе; возрадуются кости смиренныя. Отврати лице Твое от грех моих и вся беззакѡнія моя очисти. Сѣрдце чисто созижди во мне, Бѡже, и дух прав обнови во утробѣ моей. Не отвержи мене от лица Твоего и Дѹха Твоего Святаго не отыми от мене. Воздаждь ми радость спасѣния Твоего и Дѹхом Владычним утверди мя. Научу беззакѡнныя путем Твоим, и нечестивии к Тебѣ обратятся. Избави мя от кровей, Бѡже, Бѡже спасѣния моего; возрадуется язык мой правде Твоей. Господи, устне мои отверзеши, и уста моя возвестят хвалѹ Твою. Яко аще бы восхотѣл еси жѣртвы, дал бых ѹбо: всесожжѣнія не благоволиши. Жѣртва Бѡгу дух сокрушен; сѣрдце сокрушено и смиренно Бог не уничижит. Ублажи, Господи, благоволеніем Твоим Сиѡна, и да созиждутся стѣны Иерусалимския. Тогда благоволиши жѣртву правды, возношеніе и всесожегаемая; тогда возложат на олтарь Твой тельцы.

**Слава Отцѹ и Сѣну и Святому Дѹху и ныне и присно и во вѣки веков. Амѣнь.**

**Аллилуїа, аллилуїа, аллилуїа, слава Тебѣ Бѡже. (Трижды)**

**Господи, помѣлуй. (Трижды)**

**Слава Отцѹ и Сѣну и Святому Дѹху.**

### **Тропарь апостолов, глас 4:**

Апостолов первопрестѡльницы/ и вселенныя учителие,/ Владыку всех молите/ мир вселенней даровати// и душам нашим велию мѣлость.

**И ныне и присно и во вѣки веков. Амѣнь.**

**Богородице, Ты еси лоза истинная,/возрастившая нам Плод животѣа,/Тебѣ молимся:/молися, Владычице, со святыми апостолы//помѣловати дѹши наша.**

**Господь Бог благословен,/благословен Господь день дне,/поспешит нам Бог спасеній наших,//Бог наш, Бог спасати.**

**Трисвятое. Пресвятая Троице... Отче наш...**

**Иерей:** Яко Твое есть Царство и сила и слава Отца и Сына и Святаго Духа, ныне и присно и во веки веков.

**Чтец:** Аминь.

КОНДАК АПОСТОЛОВ, ГЛАС 2:

Твердыя и Боговещанныя проповедатели,/ верх апостолов Твоих, Господи,/ приял еси в наслаждение благих Твоих и покой:/ болезни бо оных и смерть приял еси паче всякаго всеплодия,// Едине, сведый сердечная.

Господи, помилуй. *(40 раз)*

Иже на всякое время и на всякий час, на Небеси и на земли, покланяемый и славимый, Христэ Бже, Долготерпеливе, Многомилостиве, Многоблагодарне, Иже праведныя любяи и грешныя милуяи, Иже вся зовый ко спасению обещания ради будущих благ. Сам, Господи, приими и наша в час сей молитвы и исправи живот наш к заповедем Твоим, души наша освяти, телеса очисти, помышления исправи, мысли очисти и избави нас от всякия скорби, зол и болезней, оградь нас святыми Твоими Ангелы, да ополчением их соблюдаеми и наставляеми, достигнем в соединение веры и в разум неприступныя Твоея славы, яко благословен еси во веки веков, аминь.

Господи помилуй. *(Трижды.)*

Слава Отцу и Сыну и Святому Духу и ныне и присно и во веки веков.  
Аминь.

Честнейшую Херувим и славнейшую без сравнения Серафим, без истления Бога Слово рождшую, сущую Богородицу, Тя величаем.

Именем Господним благослови, отче.

**Иерей:** Молитвами святых отец наших, Господи Иисусе Христэ, Бже наш, помилуй нас.

**Чтец:** Аминь.

Владыко Бже Отче Вседержителю, Господи Сыне Единородный Иисусе Христэ, и Святыи Душе, Едино Божество, Едина Сила, помилуй мя, грешнаго, и имиже веши судьбами, спаси мя, недостойнаго раба Твоего, яко благословен еси во веки веков, аминь.

## **ШЕСТОЙ ЧАС:**

**Чтец:** Приидите, поклонимся Царéви нашему Бóгу.  
Приидите, поклонимся и припадём Христу́, Царéви нашему Бóгу.  
Приидите, поклонимся и припадём Самому́ Христу́, Царéви и Бóгу  
нашему.

### **ПСАЛОМ 53:**

**Бóже, во íмя Твое спаси́ мя, и в силе Твоей суди́ ми. Бóже, услыши  
моли́тву мою́, внуши́ глаго́лы уст мои́х. Яко чу́ждии воста́ша на мя и  
крéпцыи взыска́ша ду́шу мою́, и не предложíша Бóга пред собою́. Се бо  
Бог помога́ет ми, и Господь Засту́пник души́ мое́й. Отврати́т злая́  
враго́м мои́м, истиною́ Твоею́ потреби́ их. Волею́ пожру́ Тебе́,  
испове́мся íмени Твоему́, Гóсподи, яко́ бла́го, яко́ от всякия́ печáли  
изба́вил мя еси́, и на враги́ моя́ возре́ око́ мое́.**

### **ПСАЛОМ 54:**

**Внуши́, Бóже, моли́тву мою́ и не презри́ молéния моего́. Вонми́ ми и  
услы́ши мя: возскорбéх печáлию моею́ и смято́хся. От гла́са вра́жия и от  
стужéния грéшника, яко́ уклони́ша на мя беззакóние и во гнéве  
враждова́ху ми. Сёрдце́ мое́ смяте́ся во мне и боя́знь сме́рти нападе́ на  
мя. Страх и трéпет прииде́ на мя и покры́ мя тьма. И рех: кто́ даст ми  
криле́, яко́ голубинé, и полещу́, и почи́ю? Се удали́хся бéгая и  
водвори́хся в пусты́ни. Ча́ях Бóга, спаса́ющего мя от малоду́шия и от  
бу́ри. Потопи́, Гóсподи, и раздели́ язы́ки их: яко́ видех беззакóние и  
пререкáние во гра́де. Днем и но́щию обы́дет и́ по стена́м егó. Беззакóние  
и труд посреде́ егó и неправда. И не оскуде́ от стогн егó ли́хва и лесть.  
Яко́ áще бы враг поноси́л ми, претерпéл бых úбо, и áще бы ненави́дья  
мя на мя велерéчевал, укры́л бых ся от негó. Ты же, челове́че  
равноду́шне, влады́ко мой и знаéмый мой, и́же купно наслажда́лся еси́  
со мно́ю бра́шен, в дому́ Бóжии ходи́хом единомышлéнием. Да придет  
же смерть на ня, и да снiдут во ад жи́ви, яко́ лука́вство в жили́щах их,  
посреде́ их. Аз к Бóгу воззва́х, и Господь услы́ша мя. Вéчер и за́утра, и  
полудне́ повéм, и возвещу́, и услы́шит глас мой. Изба́вит ми́ром ду́шу  
мою́ от приближа́ющихся мне, яко́ во мно́зе бя́ху со мно́ю. Услы́шит Бог  
и смири́т я, Сый прéжде век. Несть бо им изменéния, яко́ не убо́яшася  
Бóга. Простре́ ру́ку свою́ на воздая́ние, оскверни́ша завет Егó.  
Раздели́шася от гнéва лица́ Егó, и прибли́жишася сёрдца́ их, умя́кнуша  
словеса́ их па́че еле́а, и та суть стрéлы. Возвэ́рзи на Гóспода печáль  
твою́, и Той тя препита́ет, не даст в век молвы́ пра́веднику. Ты же, Бóже,  
низведéши их во студенéц истлéния, му́жие кровей́ и лъсти не  
преполова́т дней свои́х. Аз же, Гóсподи, упова́ю на Тя.**

### **ПСАЛОМ 90:**

**Живы́й в по́мощи Вы́шняго, в кро́ве Бóга Небéснаго водворит́ся.  
Рече́т Гóсподеви: Засту́пник мой еси́ и Прибе́жище мое́, Бог мой, и  
упова́ю на Него́. Яко́ Той изба́вит тя от сéти ловчи́ и от словесé  
мяте́жна, плещма́ Сво́йма осенит́ тя, и под криле́ Егó наде́еши́ся:  
ору́жием обы́дет тя и́стина Егó. Не убойши́ся от стра́ха но́щнаго, от  
стрелы́ летя́щая во дни, от вéщи во тме преходя́щая, от сря́ца и бéса  
полуденнаго. Падéт от страны́ твое́й ты́сяща, и тма одесну́ю тебе́, к  
тебе́ же не прибли́жится, оба́че очима́ тво́йма смóтриши, и воздая́ние  
грéшников úзриши. Яко́ Ты, Гóсподи, упова́ние мое́, Вы́шняго положи́л  
еси́ прибе́жище твоё́. Не придет к тебе́ зло и рана́ не прибли́жится  
телеси́ твоему́, яко́ Ангелом Сво́им заповéсть о тебе́, сохранити́ тя во  
всех путéх твои́х. На рука́х вóзмут тя, да не когда́ преткне́ши о ка́мень  
но́гу твою́, на а́спида и васили́ска насту́пиши, и попере́ши льва́ и зми́я.**

Яко на Мя упová и избáвлю í, покрýю í, я́ко познá íмя Моé. Воззовет ко Мне и услышу его́, с ним есмь в скорби, изму́ его́ и просла́влю его́, долготóю дний испóлню его́ и явлю́ ему́ спасéние Моé.

**Сла́ва Отцу́ и Сы́ну и Свято́му Ду́ху и ны́не и прýсно и во ве́ки веко́в. Ами́нь.**

**Аллилу́иа, аллилу́иа, аллилу́иа, сла́ва Тебе́ Бо́же. (Три́жды)  
Го́споди, поми́луй. (Три́жды)**

**Сла́ва Отцу́ и Сы́ну и Свято́му Ду́ху.**

**ТРОПА́РЬ АПО́СТОЛОВ, ГЛАС 4:**

Апо́столов первопресто́льницы/ и вселéнныя учíteлие,/ Влады́ку всех моли́те/ мир вселéнней дарова́ти// и душа́м на́шим ве́лию ми́лость.

**И ны́не и прýсно и во ве́ки веко́в. Ами́нь.**

Я́ко не íмамы дерзнове́ния за премно́гия грехи́ на́ша,/ Ты íже от Тебе́ Ро́ждшагося моли́, Богоро́дице Де́во,/ мно́го бо мо́жет моле́ние Ма́тернее ко благосе́рдию Влады́ки./ Не прэ́зри грéшных мо́льбы, Всецýстая,/ я́ко ми́лостив есть и спасти́ могýй,/ Íже и страда́ти о нас изво́ливый.

Скóро да предва́рят ны щедро́ты Твоя́, Го́споди,/ я́ко обнища́хом зело́;/ помози́ нам, Бо́же, Спа́се наш,/ сла́вы ра́ди Íмене Твоего́, Го́споди, избáви нас// и очисти́ грехи́ на́ша, Íмене ра́ди Твоего́.

**Трисвято́е. Пресвята́я Трои́це... О́тче наш...**

**Иерей:** Я́ко Твое́ есть Ца́рство и си́ла и сла́ва Отца́ и Сы́на и Свята́го Ду́ха, ны́не и прýсно и во ве́ки веко́в.

**Чтец:** Ами́нь.

**КОНДА́К АПО́СТОЛОВ, ГЛАС 2:**

Тве́рдые и Боговещáнныя пропове́датели,/ верх апо́столов Твои́х, Го́споди,/ прия́л еси́ в наслажде́ние благи́х Твои́х и поко́й:/ боле́зни бо óнех и смерть прия́л еси́ па́че вся́кого всепло́дия,// Еди́не, све́дый сердéчная.

**Го́споди, поми́луй. (40 раз)**

Íже на вся́кое вре́мя и на вся́кий час, на Небеси́ и на земли́, поклáняемый и сла́вимый, Христе́ Бо́же, Долготерпели́ве, Многоми́лостиве, Многоблагóутрòбне, Íже пра́ведныя любя́й и грéшныя ми́луяй, Íже вся зовы́й ко спасéнию обеща́ния ра́ди бóдущих благ. Сам, Го́споди, приими́ и на́ша в час сей моли́твы и испра́ви живóт наш к заповедем Твои́м, ду́ши на́ша освяти́, телеса́ очисти́, помышлéния испра́ви, мы́сли очисти́ и избáви нас от вся́кия скорби́, зол и боле́зней, огради́ нас святы́ми Твои́ми А́нгелы, да ополче́нием их соблюда́ем и наста́вляем, дости́гнем в соединéние ве́ры и в разум непристýпныя Твоея́ сла́вы, я́ко благослове́н еси́ во ве́ки веко́в, ами́нь.

**Го́споди поми́луй. (Три́жды.)**

**Сла́ва Отцу́ и Сы́ну и Свято́му Ду́ху и ны́не и прýсно и во ве́ки веко́в. Ами́нь.**

**Ч**естнейшую Херувим и славнейшую без сравнения Серафим, без истления Бога Слова рождшую, сущую Богородицу, Тя величаем.

**И**менем Господним благослови, отче.

**Иерей:** **Молитвами святых отец наших, Господи Иисусе Христе, Боже наш, помилуй нас.**

**Чтец:** **Аминь.**

**Б**оже и Господи сил и вся твари Содетелю, Иже за милосердие безприкладныя милости Твоея Единороднаго Сына Твоего, Господа нашего Иисуса Христа, низпославый на спасение рода нашего, и честным Его Крестом рукописание грех наших растерзавый, и победивый тем начала и власти тьмы. Сам, Владыко Человеколюбче, прими и нас, грешных, благодарственных сия и молебныя молитвы и избави нас от всякаго всегубительнаго и мрачнаго прегрешения и всех озлобити нас ищущих видимых и невидимых враг. Пригвозди страху Твоему плоти наша и не уклони сердец наших в словеса или помышления лукавствия, но любовью Твоею уязви души наша, да, к Тебе всегда взирающе и еже от Тебе светом наставляеми, Тебе, неприступнаго и присносущнаго зряще Света, непрестанное Тебе исповедание и благодарение возсылаем, Безначальному Отцу со Единородным Твоим Сыном и Всесвятым, и Благим, и Животворящим Твоим Духом ныне, и присно, и во веки веков, аминь

## БОЖЕСТВЕННАЯ ЛИТУРГИЯ:

**Диакон:** Благослові владыко.

**Иерей:** Благословено Царство Отца, и Сына, и Святаго Духа,  
ныне и присно, и во веки веков.

**Хор:** Аминь.

### ВЕЛИКАЯ ЕКТЕНИЯ:

**Диакон:** Миром Господу помолимся.

**Хор:** Господи, помилуй.

**Диакон:** О Свяшнем мире и спасении душ наших, Господу помолимся.

**О** мире всего мира, благостоянии Святых Божиих Церквей и соединении всех,  
Господу помолимся.

**О** святем храме сем и с верою, благоговением и страхом Божиим входящих  
во нь, Господу помолимся.

**О** великом Господине и Отце нашем Святейшем Патриархе **Кирилле**, и о  
Господине нашем, Высокопреосвященнейшем митрополите (*или:*  
архиепископе, *или:* преосвященнейшем епископе *имярек*), честнем  
пресвитерстве, во Христе диаконстве, о всем причте и людех, Господу  
помолимся.

**О** Богохранимем странé нашей, властех и воинстве ея, Господу помолимся.

**О** граде сем (*или* о веси сей), всяком граде, странé и верою живущих в них,  
Господу помолимся.

**О** благорастворении воздухов, о изобилии плодов земных и временех мирных,  
Господу помолимся.

**О** плавающих, путешествующих, недугующих, страждущих, плененных и о  
спасении их. Господу помолимся.

**О** избавитися нам от всякия скорби, гнева и нужды, Господу помолимся.

**Заступи**, спаси, помилуй и сохрани нас, Боже, Твоею благодатию.

**Пресвятую**, **Пречистую**, **Преблагословенную**, **Славную** **Владычицу** нашу  
Богородицу и Приснодеву Марию, со всеми святыми помянувши, сами себе и  
друг друга, и весь живот наш Христу Богу предадим.

**Хор:** Тебе, Господи.

**Иерей:** Яко подобает Тебе всякая слава честь и поклонение, Отцу и Сыну и  
Святому Духу, ныне и присно и во веки веков.

**Хор:** Аминь.

### ПЕРВЫЙ АНТИФОН, ПСАЛОМ 102:

**Хор:** Благослові, душе моя, Господа, / благословен еси Господи. /

**Благослові**, душе моя, Господа, / и вся внутренняя моя / имя святое Его. /  
**Благослові**, душе моя, Господа, / и не забывай всех воздаяний Его, /  
очищающего вся беззакония твоя, / исцеляющего вся недуги твоя, /  
избавляющего от ислечения живот твой, / венчающего тя милостию и  
щедротами, / исполняющего во благих желание твое: / обновится яко орля  
юность твоя. / Твори милостыни Господь, / и судьбу всем обидимым. / Сказá  
пути Своя Моисею, / сыновом Израилевым хотения Своя: / Щедр и Милостив  
Господь, / Долготерпелив и Многомилостив. / Не до конца прогневается, / ниже  
во век враждует, / не по беззаконию нашим сотворил есть нам, / ниже по  
грехом нашим воздал есть нам. / Яко по высоте небесней от земли, / утвердил  
есть Господь милость Свою на боящихся Его. / Елико отстоят восточцы от  
запад, / удалил есть от нас беззакония наша. / Якоже щедрит отец сыны, /  
ущедри Господь боящихся Его. / Яко Той позна создание наше, / помяну, яко  
персть есмь. / Человек, яко трава дние его, / яко цвет сельный, тако оцветет, /  
яко дух пройде в нем, / и не будет, и не познает ктому места своего. / Милость  
же Господня от века и до века на боящихся Его, / и правда Его на сынех сынов,

хранящих завет Его, и помнящих заповеди Его творити я. / Господь на Небеси уготова Престол Свой, / и Царство Его всеми обладает. / Благословите Господа вси Ангели Его, / сильнии крепостию, творящи слово Его, услышати глас словес Его. / Благословите Господа вся Силы Его, / слуги Его, творящи волю Его. / Благословите Господа вся дела Его, на всяком месте владычества Его. /

**Благослови, душе моя, Господа, / и вся внутренняя моя / имя святое Его. // Благословен еси, Господи.**

**ЕКТЕНИЯ МАЛАЯ:**

**Диакон:** Паки и паки миром Господу помолимся.

**Хор:** Господи, помилуй.

**Диакон:** Заступи, спаси, помилуй и сохрани нас, Боже, Твоею благодатью.

**Хор:** Господи, помилуй.

**Диакон:** Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувши, сами себе и друг друга, и весь живот наш Христу Богу предадим.

**Хор:** Тебе, Господи.

**Иерей:** Яко Твоя держава, и Твое есть Царство, и сила, и слава, Отца и Сына и Святаго Духа, ныне и присно и во веки веков.

**Хор:** Аминь.

**ВТОРОЙ АНТИФОН, ПСАЛОМ 145:**

**Хор:** Хвали, душе моя, Господа. / Восхваляю Господа в животе моем, / пою Богу моему, дондеже есмь. / Не надейтесь на князи, на сыны человеческия, / в нихже несть спасения. / Изидет дух его / и возвратится в землю свою. / В той день погибнут вся помышления его. / Блажен, емуже Бог Иаковль Помощник его, / упование его на Господа Бога своего, / сотворшаго небо и землю, / море и вся, яже в них, / хранящаго истину в век, / творящаго суд обидимым, / дающего пищу алчущим. / Господь решит окованныя. / Господь умудряет слепцы. / Господь возводит низверженные. / Господь любит праведники. / Господь хранит пришельцы, / сира и вдову примет / и путь грешных погубит. / Воцарится Господь во век, // Бог твой, Сионе, в род и род.

**Слава Отцу и Сыну и Святому Духу и ныне и присно и во веки веков. Аминь.**

**ЕДИНОРОДНЫЙ СЫНЕ:**

Единородный Сыне и Слове Божий, Безсмертен Сый / и изволивый спасения нашего ради / воплотился от Святыя Богородицы и Приснодевы Марии, / непреложно вочеловечивыйся, / распный же, Христе Боже, смертью поправый, / Един Сый Святыя Троицы, // прославляемый Отцу и Святому Духу, спаси нас.

**ЕКТЕНИЯ МАЛАЯ:**

**Диакон:** Паки и паки миром Господу помолимся.

**Хор:** Господи, помилуй.

**Диакон:** Заступи, спаси, помилуй и сохрани нас, Боже, Твоею благодатью.

**Хор:** Господи, помилуй.

**Диакон:** Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувши, сами себе и друг друга, и весь живот наш Христу Богу предадим.

**Хор:** Тебе, Господи.

**Иерей:** Яко благ и человеколюбец Бог еси, и Тебе славу возсылаем, Отцу, и Сыну, и Святому Духу, ныне и присно, и во веки веков.

**Хор:** Аминь.

**ТРЕТИЙ АНТИФОН,**

**БЛАЖЕННЫ:**

**Хор:** Во Царствии Твоем помяни нас, Господи, егда приидеши, во Царствии Твоем.



- На 12:** Блажэни нїщии дўхом, я́ко тех есть Ца́рство Небе́сное.  
Блажэни пла́чушии, я́ко тїи утэ́шатся.
- На 10:** Блажэни крѳтции, я́ко тїи наслѳдят зѳмлю.  
Блажэни а́лчушии и жа́ждушии пра́вды, я́ко тїи насы́тятся.  
*Ап. Петра, глас 4:*
- На 8:** Блажэни мїлостивии, я́ко тїи помїловани бўдут.
- Ирмос:** Тя, блажэнна, сла́дкая уста́ Христа́ Бо́га и сокро́вище твёрдо  
Ца́рствия показаша.// Тѳмже воспева́ем тя, Пѳ́тре апо́столу.

**Блажэни чїстии се́рдцем, я́ко тїи Бо́га ўзря́т.**

**Тропарь:** На ка́мени твоего́ Богослѳвїя водрузї́ Влады́ка Иису́с Це́рковь  
непрекло́нну,// в не́йже ты, апо́столу Пѳ́тре, сла́вим.

**На 6:** Блажэни миротво́рцы, я́ко тїи сы́нове Бо́жии нареку́тся.

**Тропарь:** Я́ко пребо́льши А́нгел Петр в телесї:/ во све́тлом бо  
прише́ствии сегѳ// Христо́с Бог судїю́ же и соседате́ля бы́ти рече́.

**Блажэни изгна́ни пра́вды ра́ди, я́ко тех есть Ца́рство Небе́сное.**

**Тропарь:** Неискусобра́чная, Бо́га плѳтию́ ро́ждшая,/ страстны́ми прило́ги  
преклонѳнна мя утверди́:// несть бо, Чїстая, ра́зве Тебе́, помо́щницы.

*Ап. Павла, глас 8:*

**На 4:** Блажэни естѳ, егда́ понѳсят вам, и изжену́т, и реку́т всяк зол  
глаго́л на вы, лжу́ще Мене́ ра́ди.

**Тропарь:** Вся пренебре́г кра́сная мїра,/ уязвлен Влады́чною любѳвию и  
ѳбщаго спасѳния желани́ем,/ свидѳтельствовать тому́ изво́лив, о  
Павле блажэнне,// и ны́не о вселѳнней моли́ся.

**Ра́дуйтесь и веселї́тесь, я́ко мзда ва́ша мно́га на Небесѳх.**

**Тропарь:** Я́ко изря́дный Влады́це подѳбник/ и в Того́ оде́ян, Павле,  
воїстинну́ всем был еси́ всяк,/ да вся приобрета́ещи и спасѳши  
лю́ди,// и спасл еси́ я́ко воїстинну́, Христо́у улови́в концы́.

**Сла́ва Отцу́ и Сы́ну и Свято́му Ду́ху.**

**Тропарь:** Досто́йно тебе́ дарова́ Христо́с житїе́, апо́столу Павле, на  
Небесѳх:/ пребыва́ющаго бо zde не возжелáл еси́ гра́да, блажэнне,//  
вѳрен служїтель быв и строїтель та́ин Егѳ.

**И ны́не и прїсно и во ве́ки веко́в. Ами́нь.**

**Богородичен:** Призрэ на Тя Господь, моѳ обновля́я существѳ, я́ко  
Сїлен,/ вели́чия сотво́рь, Богороди́тельнице, я́коже рекла́ еси́,  
Всепоро́бная,// и спасѳ мя Тобѳю из тли Бог мой, я́ко Милосѳрд.

МА́ЛЫЙ ВХОД (с ЕВА́НГЕЛИЕМ):

**Диакон:** Премудро́сть, прѳсти.

**Хор:** *Входный стих:* Вознесїся́ Госпо́ди сілою́ Твое́ю,/ воспоѳм и поѳм  
сілы́ Тво́я.

**ПО ВХОДЕ:**  
**В ХРАМЕ ГОСПОДСКОМ И БОГОРОДИЦЫ:**

**ТРОПАРЬ ХРАМА.**

**ТРОПАРЬ АПОСТОЛОВ, ГЛАС 4:**

Апостолов первопрестольницы/ и вселенныя учителие,/ Владыку всех  
молите/ мир вселенней даровати// и душам нашим велию милость.

**Слава Отцу и Сыну и Святому Духу.**

**КОНДАК АПОСТОЛОВ, ГЛАС 2:**

Твердыя и Боговещанныя проповедатели,/ верх апостолов Твоих,  
Господи,/ приял еси в наслаждение благих Твоих и покой:/ болезни  
бо оных и смерть приял еси паче всякаго всеплодия,// Единые, сведый  
сердечная.

**И ныне и присно и во веки веков. Аминь.**

**КОНДАК ХРАМА.**

**В ХРАМЕ СЯТОГО:**

**ТРОПАРЬ АПОСТОЛОВ, ГЛАС 4:**

Апостолов первопрестольницы/ и вселенныя учителие,/ Владыку всех  
молите/ мир вселенней даровати// и душам нашим велию милость.

**Слава Отцу и Сыну и Святому Духу.**

**КОНДАК АПОСТОЛОВ, ГЛАС 2:**

Твердыя и Боговещанныя проповедатели,/ верх апостолов Твоих,  
Господи,/ приял еси в наслаждение благих Твоих и покой:/ болезни  
бо оных и смерть приял еси паче всякаго всеплодия,// Единые, сведый  
сердечная.

**И ныне и присно и во веки веков. Аминь.**

**КОНДАК БОГОРОДИЦЫ, ГЛАС 6:**

Предстательство христиан непостыдное,/ ходатайство ко Творцу  
непреложное,/ не презри грешных молений гласы,/ но предвари, яко  
Благая,/ на помощь нас, верно зовущих Ти;/ ускори на молитву и  
потщися на умоление,// предстательствующи присно, Богородице,  
чтущих Тя.

**Диакон:** Господу помоллимся.

**Хор:** Господи, помилуй.

**Иерей:** Яко Свят еси, Боже наш, и Тебе славу возсылаем, Отцу и Сыну и  
Святому Духу, ныне и присно.

**Диакон:** Господи, спаси благочестивыя.

**Хор:** Господи, спаси благочестивыя.

**Диакон:** И услыши ны.

**Хор:** И услыши ны.

**Диакон:** И во веки веков.

**Хор:** Аминь.

**ТРИСВЯТОЕ:**

**Хор:** Святый Боже, Святый Крепкий, Святый Безсмертный, помилуй нас.  
**(Трижды)**

**Слава Отцу и Сыну и Святому Духу и ныне и присно и во веки веков. Аминь.**

**Святый Безсмертный, помилуй нас.**

**Святый Боже, Святый Крепкий, Святый Безсмертный, помилуй нас.**

**Диакон: Вонмем.**

**Иерей: Мир всем.**

**Чтец: И** духови твоemu.

**Диакон: Премудрость.**

**Чтец: Прокимен, глас 1: Во** всю землю изыде вещание их/ и в концы вселенныя глаголы их.

**Хор: Во** всю землю изыде вещание их/ и в концы вселенныя глаголы их.

**Чтец: Небеса** поведают славу Божию, творение же руку Его возвещает твердь.

**Хор: Во** всю землю изыде вещание их/ и в концы вселенныя глаголы их.

**Чтец: Во** всю землю изыде вещание их/

**Хор: И** в концы вселенныя глаголы их.

**Диакон: Премудрость.**

**Чтец: К** коринфяном послание святаго апостола Павла чтение:

**Диакон: Вонмем.**

**Чтец: Братие,** о немже аще дерзает кто, [несмысленно глаголю:] дерзаю и аз. Евреи ли суть? И аз. Израильте ли суть? И аз. Семя Авраамле ли суть? И аз. Служителие ли Христовы суть? [Не в мудрости глаголю,] паче аз. В трудех множае, в ранах преболе, в темницах излиха, в смертх многаци. От иудей пятькраты четыридесять, разве единыя, приях. Трищи палицами биен бых, единою каменьями наметан бых; трикраты корабль опровержеса со мною; ночь и день во глубине сотворих. В путных шествиих множицею; беды в реках, беды от разбойник, беды от сродник, беды от язык, беды во градех, беды в пустыни, беды в мори, беды во лжебратии. В труде и подвиже, во бдениих множицею, во алчбе и жажде, в пощениих многаци, в зиме и наготe. Кроме внешних, нападение еже по вся дни, и попечение всех церквей. Кто изнемогает, и не изнемогаю; кто соблазняется, и аз не разжизаюся? Аще хвалитися ми подобает, яже о немощи моей похвалюся. Бог и Отец Господа нашего Иисуса Христа весть, Сый благословен во веки, яко не лгу. В Дамасце языческий князь Арeфы царя стрeжаше Дамаск град, яти мя хотя, и оконцем в кошнице свешен бых по стене, и избегох из руку его. Похвалитися же не пользует ми: прииду бо в видения и откровения Господня. Вем человека о Христе, прежде лет четырнадцати, [аще в теле, не вем, аще ли кроме тела, не вем, Бог весть,] восхищена бывша таковаго до третяго Небесе. И вем такова человека, [аще в теле, или кроме тела, не вем, Бог весть,] яко восхищен бысть в рай, и слыша неизреченныя глаголы, ихже не леть есть человеку глаголати. О такомем похвалюся, о себе же не похвалюся, токмо о немощех моих. Аще бо восхожу похвалитися, не буду безумен, истину бо реку, щажду же, да не како кто вознепшует о мне паче, еже видит мя, или слышит что от мене. И за премногая откровения да не превозношуся, дадеся ми пакостник плоти, ангел сатанин, да ми пакости деет, да не превозношуся. О сем трикраты Господа молих, да отступит от мене. И рече ми: довлет ти благодать Моя: сила бо Моя в немощи совершается. Сладце убо похвалюся паче в немощех моих, да вселится в мя сила Христова.

**Иерей: Мир ти.**

**Чтец: И** духови твоemu.

**Диакон: Премудрость.**

**Чтец:** Аллилу́ия, аллилу́ия, аллилу́ия.

**Хор:** Аллилу́ия, аллилу́ия, аллилу́ия.

**Чтец:** Испове́дят Небеса́ чудеса́ Твоя́, Го́споди.

**Хор:** Аллилу́ия, аллилу́ия, аллилу́ия.

**Чтец:** Бог прославля́емь в совете́ святых.

**Хор:** Аллилу́ия, аллилу́ия, аллилу́ия.

**Диакон:** Благосло́ви, влады́ко, благовестітеля́ свята́го Апосто́ла и Евангеліста Матфея́ свята́го Ева́нгелия́ чтэ́ние.

**Хор:** Сла́ва Тебе́.

**Иерей:** Бог, моли́твами свята́го, сла́внаго, всехва́льнаго Апосто́ла и Евангеліста Матфея́, да да́ст тебе́ глаго́л благовествующему́ сію́ю мно́гою, во исполне́ние Ева́нгелия́ возлю́бленнаго Сы́на Своего́, Го́спода на́шего Иису́са Христа́.

**Диакон:** Ами́нь.

**Иерей:** Прему́дрость, прости́, услы́шим свята́го Ева́нгелия́.

**Иерей:** Мир всем.

**Хор:** И ду́хови твоему́.

**Диакон:** От Матфея́ свята́го Ева́нгелия́ чтэ́ние.

**Хор:** Сла́ва Тебе́, Го́споди, сла́ва Тебе́.

**Иерей:** Во́нмем.

**Диакон:** Во вре́мя о́но, пришѣд Иису́с во страны́ Кесаріи Фили́пповы, вопроша́ше учени́ки Сво́я, глаго́ля: ко́го Мя глаго́лют челове́цы бы́ти, Сы́на Челове́ческаго? Оні́ же ре́ша: о́ви ўбо Иоа́нна Крестітеля́, иніи же Илию́, друзіи же Иеремію́, или́ еди́наго от проро́к. Глаго́ла им Иису́с: вы же ко́го Мя глаго́лете бы́ти? Отвеща́в же Сімон Петр рече́: Ты еси́ Христос, Сын Бо́га жива́го. И отвеща́в Иису́с рече́ ему́: блаже́н еси́, Сімоне, вар Ибна́, я́ко плоть и кровь не яви́ тебе́, но Оте́ц Мой, іже на Небесе́х. И Аз же тебе́ глаго́лю, я́ко ты еси́ Петр, и на сем ка́мени сози́жду Це́рковь Мою́, и врата́ а́дова не одоле́ют ей. И дам ти ключі́ Ца́рства Небе́снаго, и е́же а́ще свя́жеши на землі́, бу́дет свя́зано на Небесе́х, и е́же а́ще разреши́ши на землі́, бу́дет разре́шено на Небесе́х.

**Хор:** Сла́ва Тебе́, Го́споди, сла́ва Тебе́.

#### ЕКТЕНИЯ СУГУБАЯ:

**Диакон:** Рце́м вси от все́я душі́, и от все́го помышле́ния на́шего рцем.

**Хор:** Го́споди, поми́луй.

**Диакон:** Го́споди Вседержітелю, Бо́же оте́ц на́ших, мо́лим Ти ся, услы́ши и поми́луй.

**Хор:** Го́споди, поми́луй.

**Диакон:** Помі́луй нас, Бо́же, по вели́цей ми́лости Твое́й, мо́лим Ти ся, услы́ши и поми́луй.

**Хор:** Го́споди, поми́луй. *(Три́жды, на ка́ждое проше́ние)*

**Диакон:** Е́ще мо́лимся о Вели́ком Госпо́дине и Оте́це на́шем Святѣ́йшем Патриархе́ **Кири́лле**, и о Госпо́дине на́шем Высокопреосвяще́ннейшем митрополи́те *(или: архиепи́скопе, или: преосвяще́ннейшем епи́скопе **имяре́к**)*, и все́й во Христе́ бра́тии на́шей.

Е́ще мо́лимся о Богохрани́мей стране́ на́шей, власте́х и во́инстве ея́, да ти́хое и безмо́лвное жити́е поживе́м во вся́ком благоче́стии и чистоте́.

Е́ще мо́лимся о бра́тиях на́ших, священни́цах, священномона́сах, и все́м во Христе́ бра́тстве на́шем.

Е́ще мо́лимся о блаже́нных и приснопа́мятных создате́лех свята́го хра́ма сегó, и

о всех преждепочивших отцех и братьях, где лежащих и повсюду, православных.

**Еще** молимся о милости, жизни, мире, здравии, спасении, посещении, прощении и оставлении грехов рабов Божиих настоятеля, братии и прихожан святого храма сего.

**Еще** молимся о плодоносящих и добродетельных во святом и всечестном храме сем, труждающихся, поющих и предстоящих людех, ожидающих от Тебя великия и богатыя милости.

**Иерей: Яко Милостив и Человеколюбец Бог еси, и Тебе славу возсылаем, Отцу и Сыну и Святому Духу, ныне и присно и во веки веков.**

**Хор: Амѣнь.**

ЕКТЕНИЯ ОБ ОГЛАШЕННЫХ:

**Диакон:** Помолитесь, оглашеннии, Господеви.

**Хор:** Господи, помилуй. *(На каждое прошение)*

**Диакон:** Вернии, о оглашенных помолимся, да Господь помилует их.

Огласит их словом истины.

Откроет им Евангелие правды.

Соединит их святей Своей соборней и апостольстей Церкви.

Спаси, помилуй, заступи и сохрани их, Боже, Твоею благодатию.

Оглашеннии, главы ваша Господеви приклоните.

**Хор:** Тебе, Господи.

**Иерей: Да и тии с нами славят пречестное и великолепое имя Твое, Отца, и Сына, и Святого Духа, ныне и присно, и во веки веков.**

**Хор: Амѣнь.**

ЕКТЕНИЯ ВЕРНЫХ, ПЕРВАЯ:

**Диакон:** Елицы оглашеннии, изыдите.

**Второй Диакон:** Оглашеннии, изыдите.

**Первый:** Елицы оглашеннии, изыдите.

**Снова второй:** Да никто от оглашенных, елицы вернии, паки и паки миром Господу помолимся.

*(Если служит один диакон, то все прошения возглашает подряд)*

**Хор:** Господи, помилуй.

**Диакон:** Заступи, спаси, помилуй и сохрани нас, Боже, Твоею благодатию.

**Хор:** Господи, помилуй.

**Диакон:** Премудрость.

**Иерей: Яко подобает Тебе всякая слава, честь и поклонение, Отцу, и Сыну, и Святому Духу, ныне и присно, и во веки веков.**

**Хор: Амѣнь.**

ЕКТЕНИЯ ВЕРНЫХ, ВТОРАЯ:

**Диакон:** Паки и паки, миром Господу помолимся.

**Хор:** Господи, помилуй. *(На каждое прошение)*

**Диакон:** О свѣшнем мире и спасении душ наших, Господу помолимся.

О мире всего мира, благостоянии святых Божиих церквей и соединении всех, Господу помолимся.

О святом храме сем и с верою, благоговением и страхом Божиим входящих в оный, Господу помолимся.

О избавитися нам от всякия скорби, гнева и нужды, Господу помолимся.

Заступи, спаси, помилуй и сохрани нас, Боже, Твоею благодатию.

**Хор:** Господи, помилуй.

**Диакон:** Премудрость.

**Иерей: Яко да под державою Твоею всегда храними, Тебе славу возсылаем, Отцу, и Сыну, и Святому Духу, ныне и присно, и во веки веков.**

**Хор:** Амѣнь.

ХЕРУВИМСКАЯ ПЕСНЯ:

**Хор:** Ёже Херувѣмы тайно образующе и животворящей Троице Трисвятую песнь припевающе, всякое ныне житѣйское отложим попечѣние.

ВЕЛИКИЙ ВХОД:

**Диакон:** Великаго господина и отца нашего **Кирилла**, Святѣйшаго Патриарха Московскаго и всея Руси, и господина нашего (**Высоко-**) Преосвященнейшаго (**имярек**), (**архи-**)епископа (**митрополита (титул)**), да помянет Господь Бог во Царствии Своём всегда, ныне и присно, и во веки веков.

**Иерей:** Преосвященныя митрополиты, архиепископы и епископы, и весь священнический и монашеский чин, и причет церковный, братию святаго храма сего, всех вас, православных христиан, да помянет Господь Бог во Царствии Своём, всегда, ныне и присно, и во веки веков.

**Хор:** Амѣнь.

**Яко** да Царя всех подыбем, ангельскими невидимо дориносима чинми. Аллилуиа, аллилуиа, аллилуиа.

ЕКТЕНИЯ ПРОСИТЕЛЬНАЯ:

**Диакон:** Исполним молитву нашу Господеву.

**Хор:** Господи, помилуй. (*На каждое прошение*)

**Диакон:** О предложенных Честных Дарех, Господу помолимся.

О святѣм храмѣ сем, и с верою, благоговѣнием и страхом Божиим входящих в оный, Господу помолимся.

О избавитися нам от всякия скорби, гнева и нужды, Господу помолимся.

Заступи, спаси, помилуй и сохрани нас, Боже, Твоею благодатию.

**Хор:** Господи, помилуй.

**Диакон:** Дне всего совершенна, свята, мирна и безгрешна у Господа просим.

**Хор:** Подай, Господи. (*На каждое прошение*)

**Диакон:** Ангела мирна, верна наставника, хранителя душ и телес наших, у Господа просим.

Прощения и оставления грехов и прегрешений наших у Господа просим.

Добрых и полезных душам нашим и мира миру у Господа просим.

Прочее время живота нашего в мире и покаянии скончати у Господа просим.

Христианския кончины живота нашего, безболѣзненны, непостыдны, мирны и добраго отвѣта на Страшном Судищи Христовѣ просим.

Пресвятую, Пречистую, Преблагословенную, Славную Владычицу нашу Богородицу и Приснодеву Марію, со всеми святыми помянувши, сами себя, и друг друга, и весь живот наш Христу Богу предадим.

**Хор:** Тебѣ, Господи.

**Иерей:** Щедротами Единороднаго Сына Твоего, с Нимже благословен еси, со Пресвятым и Благим и Животворящим Твоим Духом, ныне и присно, и во веки веков.

**Хор:** Амѣнь.

**Иерей:** Мир всем.

**Хор:** И духови твоему.

**Диакон:** Возлюбим друг друга, да единомыслием исповѣмы.

**Хор:** Отца, и Сына, и Святаго Духа, / Троицу единосущную / и нераздельную.

**Диакон:** Двери, двери, премудростию вонмем.

СИМВОЛ ВЕРЫ:

**Люди:** Верую во единого Бога Отца Вседержителя, Творца небу и земли, видимым же всем и невидимым. И во единого Господа Иисуса Христа, Сына Божия, Единороднаго, Ёже от Отца рождѣннаго прежде всех век. Света от

Свѣта, Бѣга ѣстинна от Бѣга ѣстинна, рождѣнна, несотворѣнна, единасущна Отцу, Имже вся бѣша. Нас ради человек и нашего ради спасения сшедшаго с небес и воплотившагося от Духа Свята и Маріи Дѣвы и вочеловѣчшася. Распятаго же за ны при Понтийстем Пилате, и страдавша, и погребѣнна. И воскресшаго в третій день по Писанием. И возшедшаго на небеса, и седяща одесную Отца. И паки грядущаго со славою судити живым и мертвым, Егѣже Царствию не будет конца. И в Духа Святаго, Господа, Животворящаго, Имже от Отца исходящаго, Имже со Отцем и Сыном спокланяема и сславима, глаголавшаго пророки. Во едину Святую, Соборную и Апостольскую Церковь. Исповѣдую единое крещѣние во оставлѣние грехѣв. Чаю воскресѣния мертвых, и жизни будущаго вѣка. Аминь.

**ЕВХАРИСТИЧЕСКИЙ КАНОН:**

**Диакон:** Станем дѣбре, станем со страхом, вѣнмем, святѣе возношѣние в мѣре приносѣти.

**Хор:** Мѣлость мѣра,/ жѣртву хвалѣния.

**Иерей:** Благодать Господа нашего Иисуса Христа, и любви Бѣга и Отца, и причастье Святаго Духа, буди со всеми вами.

**Хор:** И со духом твоим.

**Иерей:** Горѣ имѣим сердца.

**Хор:** Иммамы ко Господу.

**Иерей:** Благодарим Господа.

**Хор:** Достѣйно и праведно есть/ поклонятися Отцу и Сыну, и Святому Духу, // Троице единасущней и нераздельней.

**Иерей:** Побѣдную песнь поюще, вопиюще, взывающе и глаголюще.

**Хор:** Свят, свят, свят Господь Саваф,/ исполнь небо и земля славы Твоея;/ осанна в вышних,/ благословен Грядый во имя Господне,/ осанна в вышних.

**Иерей:** Даде Своим учеником и апостолом, рек: примите, ядите, сие есть Тѣло Моѣ, еже за вы ломимое во оставлѣние грехѣв.

**Хор:** Аминь.

**Иерей:** Даде святым Своим учеником и апостолом, рек: пите от нея вси, сие есть Кровь Моя Новаго Завета, яже за вы и за многия изливаемая, во оставлѣние грехѣв.

**Хор:** Аминь.

**Иерей:** Твоя от Твоих Тебѣ приносяще, о всех и за вся.

**Хор:** Тебѣ поем,/ Тебѣ благословим,/ Тебѣ благодарим, Господи,/ и молим Ти ся, Бѣже наш.

**Иерей:** Изрядно о Пресвятѣй, Пречистѣй, Преблагословенней, Славней Владычице нашей Богородице и Приснодѣве Маріи.

**ДОСТОЙНО ЕСТЬ:**

Достѣйно есть яко воистинну блажити Тя, Богородицу, / Присноблаженную и Пренепорочную и Матерь Бѣга нашего. / Честнейшую Херувим и славнейшую без сравнения Серафим, / без ислѣния Бѣга Слова рѣждшую, сущую Богородицу Тя величаем.

**Иерей:** В пѣрвых помяни, Господи, великаго господина и отца нашего **имярек**, Святѣйшаго Патриарха Московскаго и всея Русі, и господина нашего **(Высоко-)** Преосвященнейшаго **(имярек)**, **(архи-)**епіскопа **(митрополита (титул))**, ихже даруй святым Твоим церквам, в мѣре, цѣлых, честных, здравых, долгодѣнствующих, право правящих слово Твоея истины.

**Хор:** И всех, и вся.

**Иерей:** И даждь нам едиными усты и едином сердцем славити и воспевати пречестное и великолепое имя Твое, Отца, и Сына, и Святаго Духа, ныне и

**присно, и во веки веков.**

**Хор: Аминь.**

**Иерей: И да будут милости великаго Бога и Спаса нашего Иисуса Христа со всеми вами.**

**Хор: И со духом твоим.**

ЕКТЕНИЯ ПРОСИТЕЛЬНАЯ:

**Диакон: Вся святыя помянувши, паки и паки миром Господу помолимся.**

**Хор: Господи, помилуй. (На каждое прошение)**

**Диакон: О** принесенных и освященных Честных Дарех, Господу помолимся.

**Я**ко да человеколюбец Бог наш, прием я во святый и пренебесный и мысленный Свой жертвенник, в воню благоухания духовнаго, возниспослет нам Божественную благодать и дар Святаго Духа, помолимся.

**О** избавитися нам от всякия скорби, гнева и нужды, Господу помолимся.

**Заступи, спаси, помилуй и сохрани нас, Боже, Твоею благодатию.**

**Хор: Господи, помилуй.**

**Диакон: Д**не всего совершенна, свята, мирна и безгрешна у Господа просим.

**Хор: Подай, Господи. (На каждое прошение)**

**Диакон: А**нгела мирна, верна наставника, хранителя душ и телес наших, у Господа просим.

**Прощения и оставления грехов и прегрешений наших у Господа просим.**

**Добрых и полезных душам нашим и мира миру у Господа просим.**

**Прочее время живота нашего в мире и покаянии скончати у Господа просим.**

**Христианския кончины живота нашего, безболезнены, непостыдны, мирны и добраго ответа на Страшнем Судищи Христове просим.**

**Соединение веры и причастие Святаго Духа испросивше, сами себе, и друг друга, и весь живот наш Христу Богу предадим.**

**Хор: Тебе, Господи.**

**Иерей: И сподоби нас, Владыко, со дерзновением, неосужденно смети призывати Тебе, Небеснаго Бога Отца, и глаголати:**

МОЛИТВА ГОСПОДНЯ:

**Люди: Отче наш, Иже еси на небесех, да святится имя Твое, да придет Царствие Твое, да будет воля Твоя, яко на небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.**

**Иерей: Яко Твое есть Царство, и сила, и слава, Отца, и Сына, и Святаго Духа, ныне и присно, и во веки веков.**

**Хор: Аминь.**

**Иерей: Мир всем.**

**Хор: И духови твоему.**

**Диакон: Главы ваша Господеви приклоните.**

**Хор: Тебе, Господи.**

**Иерей: Благодатию, и щедротами, и человеколюбием Единороднаго Сына Твоего, с Нимже благословен еси, со Пресвятым и Благим и Животворящим Твоим Духом, ныне и присно, и во веки веков.**

**Хор: Аминь.**

**Диакон: Вонмем.**

**Иерей: Святая святым.**

**Хор: Един свят, / един Господь, / Иисус Христос, / во славу Бога Отца. // Аминь.**

ПРИЧАСТЕН АПОСТОЛОВ:

**Во всю землю изыде вещание их / и в концы вселенныя глаголы их.**

**Аллилуия. (Трижды)**

ПРИЧАСТИЕ:



**Диакон:** Со страхом Божиим и верою приступите.

**Хор:** Благословен Грядый во имя Господне, Бог Господь и явися нам.

**Иерей:** Верую, Господи, и исповедую, яко Ты еси воистинну Христос, Сын Бога живаго, пришедый в мир грешныя спасти, от нихже первый есмь аз. Еще верую, яко сие есть самое пречистое Тело Твое, и сия есть самая честная Кровь Твоя. Молюся убо Тебе: помилуй мя и прости ми прегрешения моя, вольная и невольная, яже словом, яже делом, яже ведением и неведением, и сподоби мя неосужденно причаститься пречистых Твоих Таинств, во оставление грехов и в жизнь вечную. **Аминь.**

**Вечери Твоея тайныя днесь, Сыне Божий, причастника мя прими; не бо врагом Твоим тайну повем, ни лобзания Ти дам, яко Иуда, но яко разбойник исповедую Тя: помяни мя, Господи, во Царствии Твоем.**

**Да не в суд или во осуждение будет мне причащение Святых Твоих Таин, Господи, но во исцеление души и тела.**

*Во время Причащения людей:*

**Хор:** Тело Христово примите, Источника бессмертного вкусите.

*После Причащения людей:*

**Хор:** Аллилуия, аллилуия, аллилуия.

#### ПОСЛЕ ПРИЧАСТИЯ:

**Иерей:** Спаси, Боже, люди Твоя, и благослови достояние Твое.

**Хор:** Видехом свет истинный, / прияхом Духа Небеснаго, / обретохом веру истинную, / нераздельней Троице поклоняемся, / Та бо нас спасла есть.

**Иерей:** Всегда, ныне и присно, и во веки веков.

**Хор:** Аминь.

Да исполнятся уста наша / хваления Твоего Господи, / яко да поем славу Твою, / яко сподобил еси нас причаститься / Святым Твоим, Божественным, бессмертным и животворящим Тайнам, / соблюди нас во Твоей святыни / весь день поучатися правде Твоей. //

Аллилуия, аллилуия, аллилуия.

#### ЕКТЕНИЯ ЗАКЛЮЧИТЕЛЬНАЯ

**Диакон:** Прости приемше Божественных, святых, пречистых, бессмертных, небесных и животворящих, страшных Христовых Таин, достойно благодарим Господа.

**Хор:** Господи, помилуй.

**Диакон:** Заступи, спаси, помилуй и сохрани нас, Боже, Твоею благодатью.

**Хор:** Господи, помилуй.

**Диакон:** День весь совершен, свят, мирен и безгрешен испросивше, сами себе и друг друга, и весь живот наш Христу Богу предадим.

**Хор:** Тебе, Господи.

**Иерей:** Яко Ты еси освящение наше, и Тебе славу возсылаем, Отцу, и Сыну, и Святому Духу, ныне и присно, и во веки веков.

**Хор:** Аминь.

**Иерей:** С миром изыдем.

**Хор:** О имени Господни.

**Диакон:** Господу помолимся.

**Хор:** Господи, помилуй.

#### ЗААМВОННАЯ МОЛИТВА:

**Иерей:** Благословляяй благословящия Тя, Господи, и освящаяй на Тя уповающия, спаси люди Твоя и благослови достояние Твое, исполнение Церкви Твоея сохрани, освяти любящия благолепие дому Твоего: Ты тех

возпрослави Божественною Твоею силою, и не остави нас, уповающих на Тя. Мир мірови Твоему даруй, церквам Твоим, священником, воинству и всем людем Твоим. Яко всякое даение благо, и всяк дар совершен свыше есть, сходяй от Тебе Отца светов, и Тебе славу, и благодарение, и поклонение возсылаем, Отцу, и Сыну, и Святому Духу, ныне и присно, и во веки веков.

**Хор:** Амѣнь.

**Буди** Имя Господне благословено от ныне и до века. *(Трижды)*

ПСАЛОМ 33:

**Хор:** Благословлю Господа на всякое время, / вину хвалы Его во устех моих. / О Господе похвалится душа моя, / да услышат кратцыи, и возвеселятся. / Возвеличите Господа со мною, / и вознесем Имя Его вкупе. / Взысках Господа, и услыша мя, / и от всех скорбей моих избави мя. / Приступите к Немю, и просветитесь, / и лица ваша не постыдятся. / Сей нищий воззва, и Господь услыша и, / и от всех скорбей его спасе и. / Ополчится ангел Господень окрест боящихся Его, / и избавит их. / Вкусите и видите, яко благ Господь: / блажен муж, иже уповает на Нь. / Бойтесь Господа, вси святии Его, / яко несть лишения боящимся Его. / Богатии обнищаша и възалкаша: / възскающии же Господа не лишатся всякаго блага. / Приидите, чада, послушайте мене, / страху Господню научу вас. / Кто есть человек хотяй живот, / любяй дни видети блага? / Удержи язык твой от зла, / и устне твой, еже не глаголати лести. / Уклонися от зла и сотвори благо. / Взыщи мира, и пожені и. / Очи Господни на праведныя, / и уши Его в молитву их. / Лице же Господне на творящия злая, / еже потребити от земли память их. / Воззваша праведнии, и Господь услыша их, / и от всех скорбей их избави их. / Близ Господь сокрушенных сердцем, / и смиренных духом спасет. / Многи скорби праведным, / и от всех их избавит я Господь. / Хранит Господь вся кости их, / ни единая от них сокрушится. / Смерть грешников лютая, / и ненавидящии праведнаго прегрешат. / Избавит Господь души раб Своих, / и не прегрешат // вси, уповающии на Него.

**Иерей:** Благословение Господне на вас, Того благодатию и человеколюбием, всегда, ныне и присно, и во веки веков.

**Хор:** Амѣнь.

**Иерей:** Слава Тебе, Христе Боже, упование наше, слава Тебе.

**Хор:** Слава, и ныне. Господи, помилуй. *(Трижды)* Благослови.

ОТПУСТ:

Христос, Истинный Бог наш, молитвами Пречистой Своей Матере и всех святых, помилует и спасет нас, яко благ и человеколюбец.

МНОГОЛѢТИЕ:

**Хор:** Великаго Господина и Отца нашего **Кирилла**, / Святейшаго Патриарха Московского и всея Руси, / и Господина нашего *(Высоко-)* Преосвященнейшаго *(имярек)*, / *(архи-)*епископа *(митрополита (титул))*, / богохранимую страну нашу Российскую, / настоятеля, братию и прихожан святаго храма сего / и вся православныя христианы, // Господи, сохрани их на многая лета.